

筆記小說叢書……明

談孺木著

東林雜俎

新文化書社印行

棗林雜俎 (下冊)

明 鹽官談遷 蘧木著

形管

孝慈高皇后無子

考陵享殿。太祖高皇帝高皇后南向。左淑妃李氏。生懿文皇太子。秦愍王。晉恭王。次皇口妃口氏。生楚王。魯王。代王。郢王。齊王。谷王。唐王。伊王。潭王。又次皇貴妃口氏。生相王。肅王。韓王。藩王。又次皇貴人口氏。生遼王。又次皇美人口氏。生寧王。安王。俱東列。碩妃生成祖文皇帝。獨西列。見南京太常寺志。孝慈高皇后無子。具如志中。而王弇洲先生最博核。其別集同姓諸王表。自懿文成祖外。秦愍王。晉恭王。周定王。樞俱母高皇后。楚昭王。植母昭敬太充妃胡氏。齊庶人。樽母定妃達氏。潭王。梓俱達氏出。趙王。杞母口氏。魯荒王。檀母寧妃郭氏。蜀獻王。椿桂谷庶人。櫛俱母惠妃郭氏。湘獻王。栢母順妃胡氏。肅莊王。模母口妃邱氏。遼簡王。植母口妃韓氏。慶靖王。梈母口妃余氏。寧獻王。櫛母口妃楊氏。岷莊王。楨母口妃周氏。韓憲王。松母口妃周氏。藩簡王。模母賁妃趙氏。安惠王。櫛母口妃口氏。唐定王。植母賢妃李氏。郭靖王。棟母惠妃劉氏。伊厲王。櫛母麗妃葛氏。吾學編諸書俱同。抑未考南太常志耶。享殿配位。出自宸斷。相傳必有確據。故志之不少諱。而微與玉牒牴牾。誠不知其解。或曰宋史杜太后生懿王光濟。太祖太宗。秦王廷美。變王光贊。而廷美傳云母陳國夫人耿氏。非杜太后也。鵬鵠之德。均愛七子。可以知高皇后矣。而高皇后無子何諱他王母。以諸書及太常寺之志較之。多不合。楚魯代。郢齊谷。唐伊。潭九王同母亦奇。高皇后遺履。藏奉先殿。修口寸。組

雙鳳首。綴大珠。歲六月六日曝之。

女官黃惟德。南海人。洪武廿年選入宮。命爲司寶。初名陳妹。永樂初賜今名。信任益隆。宣德七年乞骸南歸。皇太后命留。又爲詩賜之。皇明列聖御寰宇。偉烈宏謨冠千古。重惟仁化本家邦。內廷百職需賢良。咨爾惟德女中士。自少從容知禮義。一從應召入皇宮。夙夜孜孜勤乃事。昔時黑髮今如霜。歲月悠悠老將至。九重聖主天地仁。欲使萬物同陽春。體茲德意賜歸去。乃心感激情忻忻。嶺海超遞千萬里。潞河宮棹春風裏。賜衣宮錦溢光輝。親戚相迎人摠喜。喜爾富貴歸故鄉。我心念爾恆不忘。綵筆題詩意難盡。目極天南去雁翔。其姪女卽大學士梁儲母也。亦累贈至一品夫人。同時有葉女官者。番禺人。少有淑質。通列女傳。洪武廿四年聞其孝敬。選入宮。擢爲女官。因召其父碧山。弟祖道。詣闕賜宴。俱授錦衣衛鎮撫。資以幣。復其家。又有王司綵者。番禺人。永樂二年選入宮。爲女官。時年少。權妃方見幸。特推同輩之愛。固辭曰。臣妾嫠婦也。安敢充下陳哉。上重之。從其意。司綵有文學。能詩。蓋宋昭容之流。而持操過之。所作宮詞。至今人猶傳誦。

洪武廿年。詔選民間淑女入宮。分司六尚。番禺陳二妹。字瑞貞。仲裕女也。貌端莊。與焉。入見使並六尚事。陳善六書。曉大義。精女工。嬪嬙皆師事之。人稱爲女中君子。二十四年命爲司綵。賜歸省。仍給祿。眷甚。歸家。閨範嚴肅。人罕見其面。有司候饋。皆辭卻之。文皇卽位。以司綵熟知典故。召復原職。年四十。以病終於官。遣中使護喪歸葬。

永樂中賢妃權氏。順妃任氏。昭儀李氏。婕妤呂氏。美人崔氏。俱朝鮮國王李芳遠所進。權妃穠粹。善吹玉簫。見幸。永樂八年從征。還至臨城薨。諡恭獻。芳遠驛送妃父永均至。食光祿大夫祿。尋遣歸。正德中卒。白金米布。賻賜有嘉。權氏薨時。後司綵王氏作宮詞。瓊花移入大明宮。旖旎濃香韻晚風。贏得君王留步輦。玉簫嘹唳月明中。蓋指權妃也。

安妃姚氏

憲廟安妃姚氏。嘉興人。家貧。習耕織。買市。目無忤視。嘗盥。見醋水中。有日月雲霞五色扇夾侍。甚怪之。應選入宮。髮素種種不盈尺。登舟過平望。一夕髮長委地。今地名曰八尺。後進位安妃。生壽王。妃弟福圓。拜錦衣衛指揮同知。子錦。孫承勛。累蔭千戶。嘉興府志今秀水太子太保工部尚書姚思仁。卽姚妃後。按宋陸游入蜀記。過平望二十里。曰八尺。則前說殊謬。且麗人之選法必應圖。玄夷之髮。其光可鑑。安事種種爲也。

宮人戴氏書

戴氏。湯溪人。選侍坤寧宮。三見御。弘治十年。太監寧某來縣。宮人手書寄問母弟安否。離別思憶之情。悽然滿紙。今其書具存。并有宮中小圖等物。湯溪縣志

沈瓊蓮

弘治間女學士沈瓊蓮。字瑩中。烏程人。寄兄詩。疏明星斗夜珊瑚。玉貌花容列女官。風遞鳳凰天樂近。雪殘鳩鵲曉樓寒。昭儀引駕臨丹扆。尙寢薰衣熱紫檀。肅肅六宮懸象魏。春風前殿想鳴鸞。又宮詞十首。

香霧濛濛罩碧窗。青燈的的燦銀釭。內人何處教吹管。驚起庭前鶴一雙。倦把青絨繡紫紗。閣針時復卜燈花。明朝天后長生誕。可有恩波徧及麼。萱慈花封小字絨。寄聲千里落雲帆。一春從不尋芳去。高疊香羅舊賜衫。天子龍樓瞥見粧。芙蓉園殿試羅裳。水風涼好向西坐。專把書經教小王。曉臨鸞鏡整疏粧。高髻嶄新一尺長。花影瑣窗人下直。開籠自放雪衣娘。明窗棐几淨爐薰。開閣僊書小篆文。晝永簾垂春寂寂。碧桃花映石榴裙。海東青放渡遼煙。天上羣鵝得自專。勅諭廳房高索價。聖王廿載絕游畋。

御柳青青燕子愁。萬條齊水弄春柔。東風不與閒人贈。誰去江南口口洲。
尚儀引見近龍牀。御筆親題墨瀋香。幸得唱名居第一。沐恩舞蹈謝君王。
翠絲蟠袖紫羅襦。偷把黃金小帶舒。中使傳宣光祿宴。內家學士作新除。

右沈氏董穀碧里雜存載其一云送弟溥。又誤爲周氏。吳興藝文補。載藝文八首。

恭恪惠榮和靖皇貴妃鄭氏

鄭貴妃父承憲。貧甚。以女許孝廉某爲妾。臨別悲慟。孝廉閱之。遣還。不責聘。鄭感甚。脫隻履予孝廉。矢報。已入宮。大得幸。念前事。忘其名。命小璫售隻履於市。索值若干。無應者。時孝廉計偕聞而往。合其履。妃泣告於上。非若人妾不及執巾櫛矣。亡何孝廉謁選。得善地。歷口口鹽運使。張道清說貴妃生福王。常詢有如意之愛。上書其名於金盒。屬妃藏之。約他日東宮之徵也。辛丑十月。皇后子受冊東宮。貴妃不懌。持盒泣訴。上啓之。書字皆蝕。歎曰。此天也。錢塞庵相國說。

端氏

天啓初選宮。南都以於氏端氏應。并入內。偶啖麵。端氏一箸。於氏再箸。嫌其失儀。出之。於氏尤妍麗。

孝節貞肅恭莊毅烈皇后周氏

周皇后父奎。寓京師。奎微時。寄食。爲人筦庫。元配生子鑑。繼丁氏。生子某某及后。後廢中宮。以鑑從長。不許。初信王選婚。終安布素。維得絃服。念其父貧。輒資之。初不意關雎之味也。既信邸入正大位。后生東宮及定王。貴妃田氏。生永王悼靈王。貴妃漸寵。謀奪嫡。一日永和宮婢口口。於金梭窺下。誤觸定王。田氏居永和宮中宮弗善也。上嘗召貴妃。妃例御鳳輿。小璫昇之。是日昇以宮婢。

上問故。曰小璫多恣肆無狀。問其實。曰聞坤寧宮小璫狎宮婢。故遠之耳。上色動。卽搜其處。大得狎具。蓋宮人各侶其璫。所謂對兒也。上驟怒。立遣諸小璫。司禮太監口口。請少寬之。如三殿下何。小璫某年十八。美姿制。時俾中宮宮命於外家。幸不值。中宮因懟恨成疾。嘔血。有老宮人謂曰。由氏宮中獨無對兒乎。亦可搜也。果大得狎具。上疑始釋。都督田弘遇聞之大恐。嗾貴妃上章引咎。上意解。令省愆。例閉中門從旁出。且以章示中宮。示無嫌也。其章出御史湖南劉興祥筆。蓋弘遇所囑云。貴妃省衍亦屢矣。壬午貴妃薨。明春弘遇進其少女。年十三。見寵。欲卽進封。司禮太監某言貴妃以選入。非外進也。乃止。賜珠簾等有差。亂後走天津。珠簾猶存。今爲朝士某妾。崇禎庚辰。上因皇五子之變。特命各郡縣崇祀九天隱母廟。

以上俱宮闈。

孺人范氏

臨江府志。范氏。清江人。博通經史。洪武初召爲女使。授孺人。爲宮中姆師。一日。高皇問前代何后最賢。家法何代最正。對曰。惟趙宋諸后多賢。家法最正。命錄進。更誦聽之。凡降內制。多范爲定詔。賜歸老於家。

翁氏女女師

普江御史翁慶。巡按四川。不避權貴。又勅往武當山獻玄武神眼珠。賜一品服。亡何坐累下獄。慶無子。長女詣闕上書請代。仁孝皇后召入宮。留之三月。爲宮中女師。人以比緹縈。

林淑圓

莆田林淑圓。按察使林時之女。時觀政刑部。坐累下獄。發北京營建。淑圓年七歲。輒登聞鼓訴冤。

仁廟監國矜其幼。飯之。釋時。從任陝西。封左臂如粥。愈母疾。長嫁西安左衛指揮使費銘。年七。

妙錦皇姑

徐中山達第三女妙錦。文皇帝欲娶爲繼后。女不可。因不嫁人爲尼。嘗論革除事。謂建文君當坐殿上。以待燕王至。苟不讓則死之。何必自焚竄。每語遜國事。未嘗不痛哭也。

玄君

正一真人張氏母妻。封玄君。

何夫人紫金掠

左軍左都督何文輝。夫人豐氏。嘗入內。呼爲媳婦。賜紫金掠一個。玉響杯一隻。玉掠髮釵一副。至今爲家寶。紫金掠溫潤水。蛇毒。將此掠水解毒。醫記文輝子儀。口口衛指揮使。

郭眞順

郭眞順。潮陽人。適周伯王。明初官兵下嶺南。指揮俞良輔。征諸寨未下者。伯王居溪頭寨。眞順遮道上。詩良輔曰。將軍開國之武臣。早附鳳翼攀龍鱗。煙雲慘淡蔽九野。半夜出捧扶桑輪。前年領兵下南粵。眼底羣雄盡流血。馬蹄帶得淮河水。灑向江南作晴雪。潮陽僻在南海濱。十載不斷干戈塵。客星移處萬里外。天子太念遐方民。將軍高名邁千古。五方健兒猛如虎。輕裘緩轡踏地來。不減襄陽晉羊祜。此時特奉明主恩。金印斗大龜龍文。大開藩衛制方面。期以忠義酬明君。宣威布德民大悅。把菜一莖誰能奪。黃犢春耕萬壟雲。驚龍夜臥千秋月。去歲壺陽戍守時。下車愛民如愛兒。壺山蒼蒼。壺水碧碧。至今歌咏之。欲爲將軍紀勳績。天家自有麒麟筆。願爲壺民歌太平。磨崖勒盡韓山石。良輔覽。大悅。

一案得全。

金濂出妻

戶部尙書金濂。妻董氏。永樂七年。妻兄董英。瞰其在學讀書。盜其家物。後濂聞知。搜得出官。械英決罪。妻亦遣嫁。

會稽范氏二女

會稽范氏二女。居賀家湖。正統七年生。好讀書。姊適江氏。匝月而寡。次許傅氏。傅天。二女守志別業。垣圍其室。并田十畝。種穫有時。父率傭以入。否則閉戶相對。引溝灌田。凡三十年。共卜葬止水墩。以遺產祠之。今過者遺穢。輒得祟。會稽縣志

項襄毅胡婦

項襄毅大司馬忠。初以刑部員外郎。從獨土木。陷胡中。飼馬。與胡婦善。挾而南。走四晝夜。食盡。胡婦度不兩活。乃併糧自殺。項得入宣府。後祀婦家廟。

婦人生鬚

弘治六年某月。應山人張本華婦。崔氏。生鬚。長三寸。見實錄。

嘉靖癸丑。青浦題題鎮。有婦人忽生髭鬚。時縣差以事攝其夫。從壁間窺之。以爲男也。夫亦無獲。携婦以歸。邑市聚觀甚衆。明年遂有倭變。青浦縣志

萬歷二十一年。嘉興包彥平。館華亭余塘宋氏。其隣侍姬鬚長五六寸。二十餘莖。時年六十。自三十三歲始生鬚。拔去仍出。至五十歲而止。包彥平集

女化男

正德七年。平涼府太平橋下。女子高四姐。餽予故廬居。化爲男子。生鬚。名高雷。今六十餘。有二子。趙時春。平涼府志。

崇禎戊辰。華亭莫氏女。化爲男子。遂儒服。裹巾。庚午嘉興屠用明。見於陳眉公座上。旣去。眉公指之曰。此卽莫氏女變男者。

貞女節婦解

淨寧州曹氏。聘於王守仁。未嫁而守仁死。曹氏聞之。慟哭不食。遂縊死。趙中丞時春駁曰。在家從父。女與未婚之夫胡死哉。自經溝瀆耳。作貞女節婦解。未娶曰士。未嫁曰女。士納采女家。受之氏名通焉。曰聘。未有夫婦也。士奠雁女家。受之父母之東階。母命之帷。庶母及門內施鞶。申之以父母之命。姆奉登車。士御輪焉。先歸而待諸里門。至則揖之入。共牢而食。合卺而醕。成婚禮焉。故曰夫婦。始易士女之名也。婚昏也。陰陽交際之時。人道生焉。是同生死。故婦從一而終。曰節也。聘而未嫁。非婚也。女非婦也。待母而行。行不踰闕。以順父母。故曰貞。貞者順正而固也。女德也。故婚姻之禮不備。則貞女不行。行則非貞矣。士未迎。父母未命。姻弗待也。而奔以哭士而事其親。于律無服而強持服。聞哀生於情。情生於禮。此之何禮。而于士何情也。不備禮而行謂之奔。褒奔婦則逆義。違親命則傷孝。是宜爲國大禁令。取之而與節婦同論。甚非禮也。故曰大不可。

按浚谷先生持論太苛。予傷曹氏之志。語曰陷水可脫。陷文不活。特錄其文。以告淑媛。毋俾曹氏冤枉也。

葬婢再生

嘉靖初南充劉氏婢么女。父嬖之。母妒。臨葬推入之。三年後葬母開穴。么女伏棺上。不死。出言與其父處如恆。特若夢中。無少苦。

張安人柩白花

泉州張守化贈君婦陳安人卒。棺之前和發白花。重樓數朵。高大可半尺。香如蓮。

韓烈婦

萬歷庚寅五月祭亥。德州韓承業婦王氏殉節。初承業沒。戊子孟夏誓殉之。七日不食。姑強之食糜。遂絕鹽茹。每晨哭。燃香誦佛不絕聲。居二載。忽治塋。留偈几上。跌坐室左。戒人無近。俄口出火下垂。色白如輕雲。鼻流玉筋。良久火徧體金色。焰至數丈。光達十里。而香。火盡遺骨如生。所坐土結蓮花千朵。事聞。撫按爲立祠表門。

秦昭奴

定遠合肥間有亭。曰響道。旅店之東房。萬歷末秦昭奴題詩二首。序曰。妾本燕人。幼依表兄李內官處。撫育教訓。頗習詩史。年十八。嫁爲江南士人側室。雖愛有所鍾。而分制於嫡。春燈秋月。獨宿多愁。長途旅館。孤衾更慘。夜深滴淚。和墨成吟。亦以寫斯幽怨云爾。逐日一程又一程。風沙拂面鬢雲輕。鴛鴦有伴非吾伴。愁向孤衾數漏聲。其一日長途馬上塵。佳人薄命怨青春。小星千古稱賢淑。坐對寒衾淚滿巾。其二後書秦昭奴記。時某年月日也。跋曰。昔王昭君適胡。曹大家能文而寡。妾文不逮曹。而境未適胡。而有夫無夫。咫尺胡越。意頗似之。用取小字。以識深愁。後之文人君子。倘憐而表章之。君施惠不酬。妾感且不朽。昭奴又記。熊人霖南榮集。

陳氏遣荒詩

萬歷戊子。金陵婺婦陳氏。作遺荒詩。年來水旱作災屯。疾疫家家盡掩門。兒女莫嫌全食粥。眼前不死亦天恩。

吳江張烈婦

吳江諸生張士柏。娶沙溪陳俊女。士柏夭。遺女三歲。其兄士松。利婦產。以鄉人徐洪義子張程字之。婦不聽。乙亥十二月既朔。羣黨夜突入。脅婦往。死拒之不克。士柏從孫女。故適徐氏。因迎于家。越六日。陳訴縣侯德清章日玠。日玠枚其媒。徐義以婦爭之。強刑其指。拳曲不受。遂囹婦。謂在徐洪宅連夕。無可白也。已婦出獄。忿甚。丙子三月。訴按臺。不得理。四月既朔。訴離臺於松江。離臺欲下吳江令。婦計迫。卽自刎。郡人義之。厝東禪寺旁。道祭相望。日玠竟憂死。徐洪等各伏罪。

錢塘劉氏女

錢塘江潯劉元輔女。字諸生吳嘉諫。未行。年十九。夜嘗度簫。鄰人張阿官。故亡賴。聞聲依和。又偵女貌。夜躍上樓。穴窗偪女。女大呼賊。元輔驚起。繫阿官髡之。未及旦。阿官兄子養忠。知其故。糾黨斬門。且鳴金號于衆曰。元輔實以女偪。而又葬之。女聞之大悲。自經。訟於郡守光山劉夢謙。而阿官謀於訟師丁玉蘭。賂元輔以女承污。則罪不死。郡守疑之。陰訪其女。故潔。得元輔私狀。阿官論如律。初嘉諫弔其女。剃眉投孟水中。不散。謂處子也。拊屍大慟。而丁玉蘭忽晝見女。自搏叩頭立死。上虞倪尙書元璐。傳劉氏。不言善簫。

命婦能詩

福清林鴻官膳部郎中。婦朱氏。能詩。嘗作詩最鴻。年十九卒。鴻終身不娶。
仁和陳德懿。南康守敏政女。適都御史李昂。通達往輿。尤工詩詞。有集四卷。當塗鄒養貞。國子監承

侯口婦。封孺人。博學能詩。有士齋集三卷。子詔。弘治丙辰進士。官編修。仁和楊文綱。工部員外郎應解女。爲餘姚孫陞繼室。能詩。子鉦。編修。誥封夫人。詩稿附文恪公集行世。

武定橋烈婦

永樂初誅建文遺臣。以妻女發教坊。配象奴。有一婦題詩帶間。赴武定橋河死。詩曰。不忍將身配象奴。手提麥飯祭亡夫。今朝武定橋頭死。要使清風滿帝都。或云。此松江謝氏婦也。

華亭王鳳嫺。進士張本嘉妻。本嘉知宜春。卒官。艱辛自誓。撫其子汝開。舉于鄉。爲懷慶同知。封孺人。有焚餘草。雙燕遺音。行世。

上元倪岳家宰婦口氏。有口口集。

翰林陳沂繼室馬間鄉。能詩。書法蘇長公。善山水。白描橫幅。年近八旬。不廢吟咏。有芝居集。

楚女晚蘭。和新嘉驛女子詩二首。驛舍題詩今尚存。斷煙荒草鎖重門。多情况有千秋月。夜夜牆頭照墨痕。碎壁沉珠最可憐。牆頭題恨墨猶鮮。妖魂欲問歸何處。不化鴛鴦化杜鵑。

鄞縣陳束。官河南提學副使。婦董氏。少宰珙之女。能詩。凡后岡稿成。轉共評定。今董氏詩不傳。

吳江沈宜修。字宛君。副使沈琬之女。工部郎中葉紹袁妻。生二女。仲季薰綢小鸞。並嫺文墨。中庭之脈。不減謝家。嬌女之篇。有逾左氏。二女並未字而夭。宜修亦蚤世。紹袁彙所著。曰午夢堂集。行世。

吳縣范允臨。官福建參議。婦徐燮。字小淑。工詩文。有絡緯集。

三水文氏翔鳳之姊。適葛氏。有君子亭詩賦三百餘首。手鈔書六十卷。少寡。自誓作九騷九篇。詞義典雅。稱其風烈。文翔鳳婦武氏。粗識字。翔鳳稱其能詩。有文武合刻。武恭人沒。繼鄧氏。翔鳳齒。淪

艾。婚夕。翔鳳大書顛鸞倒鳳於室中。鄧氏能詩。甲戌翔鳳得風疾。壬午春卒。甲申鄧氏事李自成。今沒入范文程家。

麻城王銍龍。御史鳳韶女。適劉守蒙。十一年守蒙夭。忍死事姑。誓不踰闕。父疾篤。欲見之。不歸甯也。少讀書。過目輒誦。老而詩益工。年七十九。目不見字。猶使甥輩讀書坐側。聽之。李贄倡龍潭菴。高談佛乘。風動四方。銍龍獨不往。欲索寸札酬答。亦不許。其春日詩。桃花暮雨煙中閣。燕子春風月下樓。幽閨永夜燈前淚。孤枕頻年夢裏愁。秋月詩。霜飛衾薄紅棉冷。雲斂天高綠樹寒。病起詩。對鏡面黃如菜色。看書目眩似花生。

海甯朱淑貞。尚寶卿祚之女。適周濟官光澤教諭。幼聰穎。博極羣書。年八十卒。有靜庵集十卷。

桐城張秉文。官山東布政使。方孟婦。字如耀。能詩。庚辰濟南陷。秉文死之。孟式投池中以殉。少讀書。有婦德。有級閣閣前後集八卷。

鄞縣金文貞。適王口口子。登進士。官副都御史。封太淑人。有蘭莊詩集。

漳浦黃道周。官禮部尚書。婦蔡氏。工文翰。

朝邑屈安人。適韓邦靖。詩文唱和。如良友。邦靖早世。安人後十四年而沒。有異工書。康熙乞序其母詩。後之。此條疑有誤。

女士

太倉薄少君。庠生沈承妻。承有雋才而夭。少君哭詩百首。踰年值忌辰。醉酒。一慟而絕。天台貢士裘致中妻潘氏。號碧天道人。有碧天稿。其題桃源洞口。千年老樹萬年山。洞口僊娥自玉顏。劉阮當時那得見。浪傳浮跡在人間。其一天接青山路萬重。僊家洞口白雲通。聽殘一夜溪頭雨。流出桃花幾片紅。其二

黃安人。遂甯人。尚書珂之女。爲修撰楊慎繼室。慎戍渾南。博通經史。工筆札。攜之戍滇南。後慎奔父喪。安人留于蜀。應家政。閨門整肅。詩不多作。慎有詩答婦。又別和三詞。皆不及也。

寄夫詩

雁詩曾不到衡陽。錦字何由寄永昌。三春花柳妾薄命。六詔風煙君斷腸。曰歸曰歸愁歲暮。其雨其雨怨朝陽。相聞空有刀環約。何日金雞下夜郎。

黃鶯兒詞

積雨釀春寒。見繁花。樹樹殘。泥塗滿眼登臨倦。江流幾灣。雲山幾盤。天涯極目空腸斷。寄書難。無情征雁。飛不到滇南。

劉雪瓊。山西臨縣人。孝廉趙祐之妻。有水雲居詩。自署四維石檻花居士。

莆田黃幼藻。字漢宮。蘇州同知儀之女。適林恭卿。沈靜知禮。舅沒。竭力奉姑。所居不蔽風雨。近戚罕面。卒年三十九。所著有柳絮編。

蘭溪舒大猷。萬歷口口貢士。婦。陸靜。專工小詞。以脂筆書字。落紅滿楮。

閩縣儒士鄭坦妻鄧鈴。字德和。坦卒。封耳雙自誓。詔旌其門。萬歷中嗣子雲鎬貴。贈宜人。有風教錄。山陰王素娥。能詩文。善女紅。適胡節。節死于燕。娥誓無他志。年四十一卒。

陸卿子。吳人。尚寶卿師道之女。適太倉趙宦光。宦光棄家廬墓。與卿子偕隱寒山。卿子能詩文。有雲外閣考槃玄芝諸集。

李玉英。錦衣千戶李英女。父死。弟承祖幼。繼母焦氏。有子。謀奪磨。毒殺承祖。出其妹桂英。而誣玉英以奸。指其送春別燕二詩爲證。論死。玉英奏辨。世宗察其枉。得釋。

文侍

吳人陳寬孟賢侍姬。曰梅花居士。掌文墨。

華亭王一鵬訓導。善畫。居泖上。俱侍姬供筆墨。

直閣尙書口口張天駿。有青衣口口善書。

金陵史忠癡翁侍姬何玉僊。能書繪。解音律。號白雲道人。閩人周玉簫。武弁方輿妾。與上議撫紅夷。忤大帥。繫獄七年。遣玉簫。玉簫誓不去。及事解。詣闕。遇國變。又不得歸。玉簫感慕痛沒。有詩一百三十首。行世。

妒內

都督蕭如薰夫人楊氏。才而妒。無子。不容納簪。如薰與長安張生喜。言及嗣息。悵然曰。吾殆斷矣。張曰。將軍當置別館于此。從之。果得子。補諸生。娶婦。楊夫人尚不知也。

義妓陳氏

萬曆乙卯。楚掾某狎姑蘇妓陳氏。傾囊。姆厭之。陳私留掾。身託疾他避。求里中豪貸掾。得嫁之。而所携囊頗饒。毫不累掾也。歸楚後。同掾謁漢。北道鄱陽湖。同舟徽人。窺陳色藝。間許掾千金。掾以情告陳。陳歎曰。君裝薄。果進其千金可耳。俄千金具。別掾更登徽人舟。望掾帆發。漸不復見。拊膺嗟喟。投水死。明年掾還。渡湖中。感陳設祭。俄風晦舟沒。

蘇州義妓

蘇州姬某乙酉國變。識所善客以死事。俱狎笑之。中秋買棹。召客泛太湖。皎月空明。鴈鷺首。甚適。忽顧影感歎。置觴。投深流處。不及救。

難婦

不畫雙蛾向碧紗。誰從馬上撥琵琶。驛亭空有歸家夢。驚破啼聲是夜笳。其一日日牛車道路賒。徧身塵土向天涯。不因薄俗生多恨。青冢啼鵲怨漢家。其二驚傳縣吏點名頻。一一分明漢語真。世上無如男子

好。看他髡禿也驕人。後跋云。吳中羈婦趙雪華。題在剡城縣李家莊鎮亭壁間。

宮人廣陵張氏。過崇德縣石門鎮。題壁四首。或云投河死。詩云。

身隨劫數從奴虜。愁聽胡笳聲可哀。柔腸已碎如針刺。況值蕭蕭夜雨來。其一深閨日日諧鸞鳳。愁被干戈出畫堂。弱質那經羅虎口。可憐魂夢繞家鄉。其二繡鞋脫却換宮靴。女易男妝實可嗟。扶上玉鞍愁不穩。淚痕相逐馬蹄踪。其三□□□□□□。車騎鱗鱗野店來。憐我故鄉生死別。花枝已向別園栽。

其四

妾本虎林女也。所逢不淑。再罹干戈。臘月甚寒。挾之北上。終日坐破車中。啜啜筋骨欲脫。寒風慘烈。塵沙眯目。塞馬悲鳴。淒其欲絕。真蔡琰車中。明妃馬上。所不能彷彿者。幾欲自經。念妾本良家。流落至此。曾與魏里曹生。訂終身交。自謂才士必不棄予。死之無名。何如忍以相待。已復念此。乃又強食。偶從將士閱省錄。知曹郎已鄉薦。旦夕公車至此。恐謂妾已死。遂爾捐棄。故乘暇竊書此詩。令知薄命妾。猶然西湖月下心也。當妾與曹郎晤時。六橋明月。十里湖山。澄波渺然。萬賴蕭寂。妾吹簫忽悲泣。曹郎舉酒釀天曰。勿憂。終當貶汝以金屋。妾改顏謝曰。無媒妁何以先是。曹郎嘗懷一扇。妾甚愛其扇上詩。爲桐山方生名玄成者作。有云。蒼壁倚千尋。空江自古今。浪翻丹口合。廟枕碧流深。等句。妾賞其壯涼高逸。是時曹郎即出其扇曰。汝佳此人詩。此人吾好友。海內名士。卽以爲媒妁可乎。妾拜受之。至今數濱死。不去袖中。又聞此生亦登鄉薦。倘曹郎不及見此。萬一桐山生寓目焉。謂妾尙存。亦不負當日以胥長生待先生意也。西湖薄妹宋娟。和淚書。

風動空江羯鼓催。降旗飄颻鳳城開。將軍戰死君王係。薄命紅顏馬上來。其一廣陌塵沙滿鬢雅。北風吹雨落鉛華。可憐明月箜篌引。幾度穹廬伴暮笳。其二春風如繡雨如煙。良夜知心畫閣眠。今日相思渾似夢。算來可恨是蒼天。其三盈盈十五破瓜初。也作明妃別故廬。誰散千金效孟德。鑲黃旗下贖文姬。其四南莊勝處妾常憶。借問軒車早晚游。美景難忘竹廊下。好風爭奈柳橋頭。其五冰消見水多于地。雪霽看山盡入樓。若待春深始同賞。鶯殘花落卻堪愁。其六

妾命如朔風。飄然振落葉。不入郎羅帷。乃逐塵沙陌。妾本良家兒。流落平康劫。十三工秦箏。十五好筆墨。樽前柔歌聲。淚濕江州褶。人謂妾顏美。妾謂多生尊。武林遇曹郎。心知不徒說。忽爾天地崩。遂令山川別。一爲俗羈絆。再爲干戈繼。嗚呼大車中。塵土滿髮髻。又猗那一羊裘。皴肌冷如鐵。晝則強歡笑。夜則潛哽咽。誰爲文姬哀。文姬猶返闕。誰爲明妃怨。猶得封馬鬣。而我薄命人。終當染燐血。所不卽就死。心爲曹郎結。曹郎爾多情。豈忌西湖月。曹郎爾多智。豈不諒我節。曹郎爾任俠。忍妾委虎穴。曹郎爾多交。交豈無豪傑。媒妁扇上詩。顛沛不忍徹。忍死一相待。悲酸難再說。又聞桐山生。風流當世傑。爾旣善曹郎。何不一救妾。

丙戌秋金華陷。婦某俘入杭州行營。庚寅六月。其夫跡之以五十金贖。不許。遞至百五十金。終不許。婦凝淚語其夫曰。第藏其金。天下多好婦。何我爲。其人益至二百金。終不許。婦乘間引刀自刎。營卒怒。剖腹搗其陰。俄雷震死。

新樂縣南關旅壁。題曰。妾本淮上弱質。僻陋而無心。戊子遭兵燹。滿之狂丈夫以我北去。壬辰復挾我南征。過此偶遇之於盱衡之間。情溢于露。氣幽於蘭。嗚呼。此誰之美也。嗟余薄命。感而賦此。北去南來空自猜。編愁爲口幾時灰。妾心最慕漢天子。自將軍于不敢來。造次相逢若有私。自成那復畏人知。胸中歷歷不然事。可得對床說與伊。

冬兒

良鄉伎冬兒。善南曲。入外戚左部督田弘遇家。弘遇卒。都督劉澤清購得之。以教諸少四十餘人。其最姝麗者。登兒也。甲申澤清欲偵二王存否。冬兒請自往田氏探之。遂男飾而北。知二王已絕。遂南。澤清鎮淮安。書佐某無罪殺之。收其妻。澤清降北虜。攝政王贈宮女三人。皆嘗御者。澤清不辭而嬖之。亡何內一人告變。攝政王錄其家。及所奪書佐之婦。澤清供書佐有罪。故殺之。婦明其非罪。且云澤清私居。冠角巾。謂事若迫。不如反耳。澤清誅。冬兒下刑部。尙書湯口口。嘗飲澤清所。出侑酒。故識